

Қарағаш ауылының №28 негізгі орта мектебі КММ-де 2022-2023 оқу жылында құқық бұзушылықтың алдын алу жұмыстары туралы анықтама

№28 негізгі орта мектебі КММ-де оқушылардың құқықтары мен еркіндіктері, оларды сақтау мен қорғауға бағытталған жұмыстар жоспарлы түрде жүргізілді. Кәмелетке толмағандар арасындағы құқық бұзушылықтың алдын алу кеңесі құрылған. Оқушыларға құқықтық тәрбие беруді қамтамасыз ету мазмұнындағы құқықтық тәрбие білім беру жүйесінің заманауи бөлігі және басым бағыты болып табылатындықтан олар қоғам, ел өміріне саналы түрде және өз бетімен қатысуға міндетті. Сондықтан мектеп әкімшілігі оқушылар мен мұғалімдерді, ата-аналарды құқықтық нормативтік құжаттармен таныстыруды басты мақсат етіп қойған.

Мектеп әкімшілігі мен сынып жетекшілер, ата-аналар кеңесі мен қамқоршылық кеңестері бірлесе отырып, құқық бұзушылықтың алдын алу жұмыстарын үнемі жүргізіп отырады. 2002 жылдың 08 тамызындағы №345-ІІ Қазақстан Республикасының «Қазақстан Республикасындағы бала құқығы туралы» Заңын (2004 жыл 29 желтоқсанында өзгертулер мен толықтырулар енгізілген), кәмелетке толмағандар арасындағы құқық бұзушылықтың профилактикасы мен балалардың қадағалаусыз және панасыз қалуының алдын алу туралы ҚР 2004 жылғы 9 шілдедегі №591 заңын, және «Тұрмыстық зорлық-зомбылықтың алдын алу туралы» ҚР 2009 жылғы 4 желтоқсанындағы №214 заңын басшылыққа аламыз.

Құқықтық тәрбие беруде мектеп директорының тәрбие ісі жөніндегі орынбасары, психолог, инспектор бірлесе отырып жұмыс жүргізеді. Жұмыстың негізгі мазмұны - оқушылардың сабақтан себепсіз қалмауын бақылап, журналға тіркеу, оқушылармен жеке жұмыстар жүргізу, ата-аналармен үнемі байланыста болу, психологиялық-педагогикалық кеңестер өткізу және келіспеушілік іс-әрекеттерін түзету тренингтерін жүргізу, мектепшілік шараларға қатыстыру, үйірме, секцияларға тарту болып табылады. Сонымен қатар жасөспірімдердің отбасында және өз қатарластары арасында өзін-өзі ұстау ережелер мен жадынамалар жасап, үнемі жеткізіп отыру жұмыстары жүргізіледі.

Мектеп медбикесімен бірлесе отырып, медициналық көмек беру жұмыстары да жүргізіледі. Мысалы, қалыпты көңіл күйден ауытқу жағдайларын қарау, психофизиологиялық және ашуланшақтық сипаттың себептерін анықтау, жыныстық тәрбие беру, нашақорлықтың алдын алу, оқыту жұмыстары өткізілді. Ал педагогикалық көмек беру мақсатында әр жасөспірімнің өзін тұлға ретінде қалыптастыру үшін жағдай жасау, білім алуларына толық жағдай тудыру, жетістіктерге жету үшін жағдай жасай отырып, мадақтау т.б жұмыстар жүргізілді.

Құқық бұзушылықтың алдын алу Кеңесі туралы Ережені басшылыққа ала отырып, оның мақсат-міндеттері, түрлері мен мазмұны оқушылар мен мұғалімдерге, ата-аналарға таныстырылды.

Құқық кеңесінің мүшелерінің функционалдық міндеттері айқындалған, жұмыс жоспары бойынша санитарлық талаптарды сақтай отырып жүргізілді.

Оқушылармен мектепте және қоғамдық орындардағы тәртіп нормалары туралы әңгімелер жүргізіледі. Сонымен қатар кәмелетке толмағандар арасындағы құқық бұзушылық, қараусыздық пен панасыздық жағдайын зерттеу, әр тоқсан сайын әлеуметтік зерттеу жұмыстары жүргізілді.

Қиын өмірлік жағдайға тап болған отбасындағы балаларды анықтау мақсатында рейдтер өткізілді. Мектепішілік және аудандық ішкі істер бөлімінде есепте тұрған оқушылар жоқ.

Мектеп психологы оқушылардың жеке қасиеттерін анықтау бойынша диагностикалық жұмыстар жүргізді. Салауатты өмір салтын насихаттау мақсатында да жұмыстар жүргізіліп отырды. Жасөспірімдердің бос уақытта іс-шараларға, үйірмелер мен секцияларға қатысуы бойынша мониторинг жүргізілді.

Кәмелетке толмағандардың қылмыстық жауаптылығы туралы баптар тәрбие сағаттарында арнайы тақырыптар бойынша өткізіліп, таныстырылды.

Мектеп психологы кәмелетке толмағандардың қараусыз қалуына, қылмыс жасауына, құқық бұзуына, қоғамға қарсы іс-әрекет жасауына себеп болған жағдайларды анықтау және алдын алу жұмыстары бойынша тренинг өткізді. Ауылдық полиция қызметкерімен кездесу өткізіліп, жасөспірімдерге құқыққа қарсы әрекеттері үшін жауапкершілігі, балалар агрессиясы, оның себеп-салдары, балаларға қатыгез қарым-қатынас үшін жауапкершілігі және әлеуметтік нормалар мен бейәлеуметтік мінез-құлық (қылмыс, нашакорлық, маскүнемдік) жағдайлары айтылды.

Алдағы уақытта да оқушыларға құқықтық тәрбие беру арқылы олардың әр түрлі қылмысқа ұрынбауына, келеңсіз жағдайлардан тартынуына, қоғамға, өзіне пайдалы істермен шұғылдануына байланысты жұмыстар жүргізіле береді.

Дайындаған: Алиманова Қ.Қ.